

福建文苑傳卷五

元

毛直方字靜可建安人宋咸淳中預薦入元授徒講學士爭趨之有聊復軒稿二十餘卷嘗編詩宗羣玉府三十卷及詩學大成後被一命得教授半俸終其身同縣人虞韶字以成嘗纂集小學日記切要故事行世虞廷碩字君輔嘗編集曆代詔令四卷制誥五卷古賦準繩十卷行世劉邊字近道工詩有自家意思集 八閩通志

林雷龍字伯雨仙遊人咸淳初預鄉薦僊遊寇起避難郡城北山方應發檄爲錄事參軍遷莆令尋以宣教郎通判興化軍至元改物以治中署郡事年餘棄去自號清逸處士博通經史有耕吟前稿醉吟漫吟後稿 閩書

林昉字旦翁號曉菴閩人徙家台州喜爲古文重一時詩亦無晚宋習氣與吳大有仇遠白珽輩遨遊湖海詩酒自娛時以竹林七賢比後仕元爲國史檢閱陶南村輟耕錄載其會友人遊山檄江湖續集有詩自署三山

福建文苑傳元

林某

金瓶詩話三台詩話

福建通志總卷三九

洪希文字汝質莆田人父德章傳在宋文苑希文其次子也父子坐萬山中朝脯孟飯燒芋咬菜相倡和德章集名軒渠希文因自號續軒渠集郡人林以順謂其詩得意處皆自肺腑流出至於造語鍊字之法頗見工夫元詩選小傳

楊載字仲弘浦城人父起潛僑居杭州載少孤博涉羣書爲文有跌宕氣年四十不仕理問田用之得其文薦於行省舉茂才異等不赴御史周景遠強之至京師俄母喪去皇慶初戶部賈國英數薦于朝以布衣召入爲翰林國史院編修官與修武宗實錄調海船萬戶府照磨兼提控案牘延祐初仁宗以科目取士載首應詔遂登二年進士第授承務郎饒州路同知浮梁州事至治三年秩滿還儒林郎寧國路總管府推官未上而卒年五十有三初吳興趙孟頫在翰林得載所爲文極推重之由是載之文名隱然動京師凡所撰述人多傳誦其文章一以氣爲主博而敏直而不肆

自成一家言而於詩尤有法與虞集范梈揭傒斯齊名世號虞楊范揭虞集每攜酒詣載問作詩之法載嘗語學詩者曰詩應取材於漢魏而音節則以唐爲宗又言用功二十餘年始能會諸法而得其一及卒子幼詩稿零落杜本出所藏本梓而行之范梈爲之序曰仲弘天資曠達氣象弘朗開口論議直視千古每大衆廣席占紙命辭傲睨橫放盡意所止若良馬下長坂而無留行一代之傑作也嘗有問虞集者曰載詩如何集曰如百戰健兒所著有仲弘集八卷行世

元史西湖遊覽志四朝詩話八閩通志

鄭杓字子經興化人宋鄭寅曾孫泰定中辟南安儒學教諭與陳旅爲文字友嘗著春秋解義覽古編次夾漈餘聲樂府又有衍極五篇衍極記載三篇福建宣撫使齊伯亨采上之卽城東第宅作衍極堂以藏其書

興化府志

陳旅字衆仲莆田人父子修兄震皆名儒旅幼孤外大父趙氏學有源委撫而教之曾至泉州從傅定保游自弱冠卽篤志學古讀書南海之上盡福建文苑傳元

二

福建通志總卷三九

屏聲病緝綴之餘習醺經史吞吐百氏用爲閩海儒學官適御史中丞馬祖常按事閩中一見奇之謂旅曰子當聞器也胡爲留滯于此因勉使遊京師既至翰林侍講學士虞集見其所爲文慨然曰此所謂我老將休付子斯文者矣卽延至館中朝夕相講習自謂得旅之助爲多與祖常交口游譽諸公卿間中書平章政事趙世延又力薦之除國子助教居三年考滿諸生不忍其去請于朝再任焉元統二年出爲江制儒學副提舉在任雅好湖山意有所屬便乘興獨往流連竟夕得佳句則欣躍而歸至元四年入爲應奉翰林文字至正元年遷國子監丞階文林郎又二年卒年五十有六旅於文自先秦以來至唐宋諸大家剏立剏蹟故典雅峻潔合於古作者有安雅堂集十四卷林泉生爲之序稱其學博而通識高而敏使之裁繁理劇有兼人之能處患制變有濟時之智旅平生於師友之義尤篤每感虞集知已在制江時集歸田已數載歲且大比請于行省參知政事李本魯親奉書幣請集主文鄉闈欲爲問候計乃衝冒炎暑千

里訪集于臨川集感其來留旬日而別倦倦以斯文相勉慘然若將永訣焉一日夢旅舉杯相向曰旅甚思公亦知公之不忘旅也但不得見爾既而聞旅卒

元史林泉生陳眾仲文集序西湖遊覽志八閩通志閩書

方伯載閩縣人薄科舉程文而喜為詩元制分人十等七匠八娼九儒十丐人問伯載何不應舉笑曰吾人品豈在娼之下丐之上乎

道光舊志

吳鑒字明之閩縣人工文詞簡潔清新為一時推重其集多散逸

閩通志

詹景仁字天麟崇安人先世藏書甚富以文學辟為三公掾延祐中出為浙江憲府照磨遷江西撫州總管嘗築萬卷樓於武夷平川之上與清江杜本相剖析疑與字丙名流有過聞者皆造廬請益

閩書遂昌雜錄

彭炳字元亮崇安人詩學陶柳聞昌平隱者何失名遂往謁由是知名駒馬島各孫事以師禮至正中徵為端本堂說書不就有元亮集

元詩選小

張本字在中將樂人元統元年會試以蒲車輪賦得高選擢進士第官至寧都州判官同縣吳文誼博學攻文詞至正中為延平路總管

八閩通志

福建文苑傳元

三

福建通志總卷三九

陳楠老字良材政和人至元元年以鄉貢進士授興化路涵江書院山長轉建陽雲莊書院山長至正間棄官歸嘗過萬竹庵題詩曰青山迴望台萬竹淨娟娟寶殿晴光冷瑤階翠色妍龍吟明月夜鶴舞早秋天坐聽涼風發軒櫺響閩泉

閩書

顯長卿字子元莆田人聞見該博人目為書廚以薦歷安溪南平二縣建寧福州二路學官再調泉州潯美場司丞嘗貽書陳旅責其不作還金宋三史遂自起草及謁選京師會史局開具以所草上中書得辟史屬以議不合移疾歸

閩書

周祐字于一延平人

閩書作龍溪人

至正庚寅舉進士為貢元刻志古文先秦西

漢諸子百氏韓柳歐蘇之所述作咀嚼饜飫久益博洽發為文深雅閑健左世臣以閩海僉憲督師漳南祐撮討賊顯未做治鑑為野史上之題曰邊臣近鑒世臣曰真史才也薦為同安文學進其書於朝以備國史編錄由是館閣諸老咸知名初祐領丁亥鄉薦恩授廬峯山長再以舉首走京

師諸翰林將薦之史館以親老辭歸未幾卒祔之為校官也從遊之徒千里集善誘不倦皆俾成材名其讀書之室曰宗濂

林登州集開書

蔣易字師文號橘山真逸建陽人著有鶴田集榕陰詩話選有皇元風雅詩文著名者有浦城學記送張小雅就雲莊書院山長序藍山集序

靜志居詩

詒建陽縣志

徐宗度建安人為福州校官所纂有皇王大訓經世鳴道集等書

開過齋集

謝子龍字雲從惠安人力學無顧家文章典實有意趣詩亦溫潤兼工隸書至正中辟分教郡庠守俸玉立重之撰述多出其手有集數卷

閩書

郭完字維貞號滄洲莆田人至正中布衣元末隱於壺山以教授生徒為

業時有壺山文會初會九人宋貴誠方樸朱德善邱伯安蔡景誠陳本初

楊元吉劉晟陳觀續會十三人陳維鼎李茲陳必大吳元吉方炯鄭德孚

黃性初黃安陳熙方坦葉原中釋清源其一即完也月必一會賦詩彈琴

清談雅歌以為樂滄洲舊隱在壺山白雲院後潤邊文會詩評者謂置許

福建文苑傳

元

四

福建通志總卷三九

渾薛能集中未易辨也完卒自為壺志方炯與吳源王孟寬為營葬炯哭以詩云書存無子讀詩好有僧傳

列朝詩集蘭陔詩話

方瀾字叔獻莆田人至正中布衣流寓吳門授徒自給少年不娶人比之林和靖詩多佳句

蘭陔詩話

危德華光澤人工詩至正中儒士與翰林危素考功郎葛元詰友善教授

諸生累徵不起隱於北溪號北溪先生有觀海集

閩中錄

王佛生字子善建陽人隱居溪源庄以詩鳴世

八閩通志

楊諱字履祥浦城人徙居太倉博學有才行與秦玉袁華為友晚作崑山

州志楊維禎為之序

王癸志稿

鄭鑑字子聲將樂人性嗜學能詩工書畫至正間出為教諭嘗與邵武黃鎮成為友鎮成亟稱之

道光舊志

趙希直宋宗室子晉江人以善詩聞古田張以寧稱其短章清妍妥適長篇滔滔汨汨人不足已獨多也

道光舊志

余曰強字伯莊其先古田人居崑山曰強號博雅一日以和楊鐵厓詩來  
見玉山主人顧瑛其所學雲升川增不覺驚歎晚稱淵默叟著有尚書補  
注淵默叟集 元詩癸集

盧昭字伯融閩人僑居東滄詩文有法縉紳先生器重之 元人才調集

福建文苑傳 元

五

福建通志  
總卷三九

福建文苑傳卷八

清二

陳一策字爾忱晉江人少有神童之目年十一籍諸生吳士玉稱其詩古文詞博瞻淵雅具有法度乾隆元年薦舉博學宏詞都中名流服其文藻一策方正自持不事干謁詩學得諸其祖俞侯道光通志

席大霽字作舟別字未亭建寧人幼辟亂泰寧歸而家破釀酒縣市自給年二十二始發憤從叔父某學爲縣學生食餽教授弟子甚盛乾隆戊午貢入太學更四年以疾終于家年七十四將終爲聯句自輓其言悲慨婉篤見者歎息縣宰劉毓珍親奠其家始建寧僻處閩西士無遠志其才者閒爲儷語律詩以自異無能道古文者大霽始尋宋文憲楊文貞之遺益治經子書學爲古文弟子萬斯年遊太學以示寧化雷鉉鉉異之爲作序識朱仕琇於少時書其文後云他日必以古文名世仕琇稱其文淡朴有致時人不識云梅崖居士文集

福建文苑傳

清二

福建通志  
總卷三九

鄭宗堯字嗣勳連江人副貢生性孝友父早喪遇諱日拊擗長號以爲常所僦屋陋其弟欲爲卜居宗堯曰先人窀穸未妥遑謀安平竭貲葬其父宗祠後隙地王父之祖遺也悉舉以益祠宇與同里孫拱極爲文字友沈酣六籍仁和杭世駿謂其爲文章詭切至而宗於經爲作華泉居士傳宗堯嘗讀書玉泉寶華二山因以自號

吳漣字水崖龍巖人由舉人知衡山縣政尚簡靜充鄉試同考官所取皆佳士及歸與生徒論文戶外屢滿工詩古文詞並善楷法同里廩生陳大炎乾隆元年巡撫盧焯以博學宏詞薦

孫拱極字肅佑連江人乾隆己未進士出仁和杭世駿之門選庶常散館改知縣尋以事落職留都中十載歸掌教鰲峰書院性傲岸自喜於人多不合而亦不求合於人也子讓乾隆甲子舉人歷晉江順昌上杭彰化教諭擢知榆林縣以忤當道歸以上道光通志

方紳字羽公初名鶴鳴乾隆元年以優貢生舉博學鴻儒至甲子始舉於

鄉沒後其友張源義爲刻詩文集詩多至數千首名不已言集瓜棚避暑錄乾嘉全

傳聞詩

鄧浩字星瀾號畸人侯官人乾隆辛酉舉人以足疾不仕教授永福遂家焉著有孫吳統箋十六卷車載博議四卷礮戰源流三卷主旨撮要四卷道藏詩文選注六卷漢魏詩評注十卷馬班古文通義十卷詞苑丹頭二十卷瀚海按尤十卷文壇舉逸二十卷黃庭經注二卷道德經補注四卷青鳥經注一卷文集四卷詩集二卷臧鄭玉璫家燬於火士林惜之道光鄭王臣字慎人號蘭陔莆田人乾隆辛酉拔貢生充武英殿校錄丙子順天鄉試副舉人以州同分發四川幸銅梁成都二縣興利除弊調井研修城池立社倉悉捐廉爲倡累遷至蘭州府知府奉使西藏旋引疾歸著有蒲風清籟集黃石山人詩集蘭陔詩話朱仕琇盛稱其詩道光通志蒲風清籟集序李俊字千人建寧人束髮讀書慕梁鴻范冉之爲人乾隆甲子副貢生教授鄉里親友勸求祿仕不應工古歌詩朱仕琇以爲超逸有騷人之風江福建文苑傳清二

福建文苑傳清二

二

福建通志總卷三九

西魯仕驥以爲於蘇州爲近嘗爲寫全集授梓所居雖水之陽面水負山旁構小屋二楹雙梧扶疎列於廳外其旁隙地皆大樞學者稱樞園先生山本居士文集梅崖居士文集

朱仕琇字斐瞻號梅崖建寧人曾祖國漢自有傳仕琇穎悟而拙於記誦日僅數十言幼讀書於所居溪西之別業曰松谷其世父曲廬先生所築也延師課子弟其中而大書王文成客坐私祝之語懸於堂四方之士來遊願假館讀書者察其誠篤輒授餐焉俾子弟得相與講習有南豐湯廷竹者好作古文仕琇與論湯初靳而弗言既而偶疵議時人所作仕琇心契之遂以已意求古人之文一以昌黎韓子爲師有所作湯見之大驚轉以已業請正於仕琇爲評其得失湯愧服焉嘗代族人作書求文於寧化雷副憲鉉鉉得書驚嘆曰是書尺幅中皆淳古冲淡之氣古大家手筆也而他求何耶旣而知出自仕琇亟向人稱之於是仕琇之名日著仕琇旣力攻古文而所作制義益奇人見之多不解則其非笑之仕琇自信益篤

乾隆九年以第一人舉於鄉十三年成進士改庶吉士先是乙丑會試清江楊錫黻知貢舉見仕琇卷洒然異之出閣謂所知曰朱某之文古人之文也及是名聞公卿莫不願折輩行與交仕琇循循然守後輩禮一進謁後未嘗數還往或以簡傲疑者仕琇曰吾一介書生甫登第敢傲哉顧蒙選入翰林俾得優遊讀書而驚於徵逐糜餼票費日力乎且京華之地出必假輿馬費且不貲吾懼無以砥厲廉隅也散館出知山東夏津縣以至誠惻怛撫其民民爲之謠曰夏津清我公能在任七年以河決改福寧府教授歸其爲縣也嘗以歸震川之令長與自況又嘗亟稱何武爲吏當時無赫赫名而去後嘗繫人思及其去夏津也夏津民果曰思慕之久而不置既抵教授任念母老以足疾辭歸侍養既終母喪復補福寧教授仍以疾辭而大吏多知之者遂禮請王講龍峰書院再三辭弗獲在書院十一年造就人才甚眾乾隆四十四年疾日甚乃歸教邑之雒川書院四十五年七月卒於家年六十有六接物一以真意而人之情僞未嘗不黑白分

福建文苑傳

清二

三

福建通志  
總卷三九

也遇事關開節解應之若不經意而條理劃然任夏津時獄具堂吏竄易供辭於卷以進幕賓輒批行仕琇覆閱之加批嚴飭堂吏幕賓怒要言辭去仕琇婉謝焉不解仕琇笑曰君果去耶趣命庖人治具躬餞之繼來者聞之皆謹飭治文書吏無敢舞文者生平以古文詞自力欲追古之立言者而要歸於自得以爲清穆者惟天澹泊者惟水含之阻之得其妙以爲文者惟人夫其素鏘從入之途唐韓宋歐陽上薄二漢放乎周秦嶷然而與六經之指合其得之意極其狀也康貞渺瀰若黨鬼神而推而準之平直圓方以平吾氣以寧吾心斬斬自成名一家集嘗與大興朱筠遭於京師邈然懷古其論此事仕琇懇懇執衷謂筠曰及吾兩人未死古文詞論定也其教學者爲文卽舉韓子之所以教人者而綜其要以立誠爲本以文從字順各識職爲歸以中有自得而能自爲爲究竟有文集三十卷外集八卷子文俱縣學生從同邑李俊遊有文行早卒

山本居士文集國史本傳朱筠撰墓

志雷鏐序文  
集古山文鈔

朱仕玠字璧豐仕琇弟拔貢生教諭德化移鳳山擢知內黃縣遂歸仕玠能古今文尤工詩嘗以古今論詩稱宋嚴氏然所見僅能盡盛唐諸人之美至其前者皆不能合也因舉經解溫柔敦厚四言爲詩本其所自爲格致極高簡聞詩自明初林鴻高棟倡盛唐之學摹擬失真沿成習派仕玠因輯何梅李榮英族父璜世父霞四家詩皆出自新意不囿於土風爲雅溪四家詩鈔

江中時字子隨號秋水泰寧人貢生少嗜學專求心得不屑屑記誦尤以身體力行爲務年三十七赴鄉闈歸途聞父卒星夜奔回慟幾絕後遂不應科舉銳志著述工古文尤喜爲詩嘗以詩文質朱仕琇李俊皆期許深至卒年七十

孫振豪字汝西浦城人府學生舉賢良方正以母老辭選拔至京各譽噪都下以考授州同需次南旋乾隆癸酉舉於鄉明年以明通榜改就教職還客兗州知府鄭方坤方開詩話軒招賓客振豪素以詩鳴極倡酬之樂

福建文苑傳

清二

四

福建通志  
總卷三九

補邵武府訓導以病乞假歸葺葺意可別墅焚香瀾茗嘯詠其中恬如也篤行誼業師老乏嗣爲買妾舉一子師歿撫孤使成立

以上道光通志

葉夢苓字松根侯官人乾隆壬午科舉人官臺灣鳳山縣學訓導遇叛寇戕縣令乃招集義勇竭力防禦逾年全家殉焉夢苓爲黃任外孫女婿有秋江集箋注餘文稿吟草異聞彙紀詩話解頤皆湮沒於官解中

耕村姑留稿

何蔚然字素宜號秀巖侯官人少孤母教之學乾隆三十年舉於鄉奉母至孝母年九十二卒凡母所嗜食物不忍入口有兄三人皆早卒撫從子

慈篤備至西湖書院圯出鉅貲新之居迎仙門外築西郊草堂藏書十萬

卷有孺慕軒集四卷子治運傳在儒林孫廣壽字肫適道光十九年舉人

寢饋圖籍中能古文喜作書篆隸瘦勁得漢魏遺意

蘭修庵避暑鈔  
鵬汀漁隱筆記

劉芳號南廬閩人貌若枯僧以布衣浪遊所至棲深山古刹受羣僧供養問何不還鄉笑而不答晚年卒於通州之狼山羣僧爲葬於駱右丞墓側置石碣焉有宿隨園贈袁枚句云安仁尙有栽花興孟博全無攬轡心水

影倒窓知月上松風攪枕信秋深焦山避暑云衣沾濕翠晴猶滴榻拂涼雲午不消壓檻有天連水閣開門無路入塵囂瓦官寺云曲徑雲深僧笠重閒門花落客鞋香軍山夜坐云星辰夜影牕閒落江海秋潮枕上生著

有狼山志

隨園詩話  
好雲樓集

邱嘉謬字起哉一字石村連江人爲諸生少聰穎不作世儒章句學而以氣節事業自砥礪纂古人言行足以廉頑立懦者及兵家機要成若干卷喜汗漫遊足跡所至輒形題詠作遊草及雜著若干卷卒年四十九朱離字和鳴建寧人歲貢生天姿超絕好學不倦嘗手鈔六經及左馬莊屈荀楊孟韓氏之言去其疵者其文辭旨潔而則溫而有倫得韓愈李習之之遺詩長於五古專主大謝旁及顏鮑諸家多淵然自得之旨趣著有文集四卷燬於火有詩集行世

陳雲平字乃章以字行龍溪人儻不羣文章自命每有傷懷見之吟詠居石碼時稱石溪七子後病肺理生平所著憤恨而卒

福建文苑傳

清二

五

福建通志  
總卷三九

諸葛良輔字子襄晉江人父葵常作無題詩三十首諷刺深遠傳誦一時良輔學詩長洲沈德潛已從之京師滿洲貴人愛其詩館之數年歸寓紫雲寺初吳人郭某以詩遊安南爲其屬島港口王者所知禮遇甚厚至是以老歸至問唐人能詩者以良輔對乃遣其甲螺與貢使俱送郭還而聘良輔至則值其王誕日爲五言百韻詩以獻王大悅餽贈有加歲餘病卒殯以紫金冠葬國門外良輔少時嘗附賈舶歷外洋熟悉外國山川風土言語物產之異將赴港口寄二竹箱於林菲彌生員家比卒啓之皆居京師及吳門時數十年日記凡百餘冊詩文百餘篇皆手書

曾廷鳳字儀侯號竹梧惠安人恩貢生少從父岱宦學浙江歸後編茅蓮花山下抱病二十載窮而詩愈工自謂詩學陰何興趣淋漓如身在高山流水閒歲貢生李占春與廷鳳結社爲詩友

范民譽字伯名壽寧人由貢生授大田教諭辭不就博覽羣書善引後學課督諸子邪僻之書不入於目著有課兒詩經說啓發學者性情尤爲親

切

李大儒字魯一號愚庵建寧人從李俊遊嗜爲詩博覽莊列老釋諸書而折衷以儒者之言冥搜幽討期於自得俊謂是有天機非詩人所解嘉定王鳴盛以選詩誘掖海內後進謂大儒詩與已合馳書往復獎勉交至大儒族叔祥雲亦工詩大儒稱其詩才清妙有太白子昂之遺李舟字蘆汀號葦杭縣學生獨好爲古文詞究心唐宋諸家尤得力於廬陵歐陽氏俊雅愛重之年八十一卒

以上道光通志

張國洛字維揚侯官人邑諸生以試帖詩爲學使河間紀昀所激賞又嘗賦春草詩爲同輩所稱呼爲張春草著有广亭集大都清麗和雅近十才子風調林喬蔭嘗擇其五言佳者數首入摘句圖

榕鄉風味

蔡容字惟英號于麓閩縣人成童盡讀其家藏書益從其鄰陳縣令家借讀鄭方坤所寄書數萬卷觀其大意弱冠筆所見爲書疑積數寸雖處困頓岸然以古豪傑自期或曰爲痴弗顧也先後下帷于山化城道山積翠

福建文苑傳

清二

六

福建通志卷三九

羅山法海諸蘭若凡十餘年嗜古好學未嘗見其一日釋卷比壯出遊劍津三登武夷泛錢塘西湖歷覽大江南北浮彭蠡而歸所與遊多江以南知名士嘗客某知府幕中一言不契襖被輒行歸而益貧妹與弟相繼病瘵以沒竭力醫療家遂壁立鬻詩文以養時或斷炊市人高其信義繼粟繼肉不待求假故雖屢空而堂上甘旨未嘗缺比後粗康色養益腆四庫館初開人多勸入都謀一官不屑也嘗謂左氏傳非一家言其文凡三變自史漢而下千古文章無不發源於此論古文以八大家之目爲非是謂

唐柳冕宋李觀諸公之文皆卓然名家數固不止於八也

楊園初稿

林寶

一名

字雙樹又字遠峰龍巖

一作龍溪

人隨父宦吳遂家吳門少受詩學

於袁枚顧能自出機杼嘗客巡撫奇豐額幕與尤維熊爭狎一姬一夕待寶箋奏材官四出大家寶方醉眠倡家不顧也明日巡撫下令逐姬寶憤然曰逐姬是逐客也拂袖徑出李兵備某分巡上海慕寶名羅致之因得與一時名流吳錫麒洪亮吉諸人文酒酬和時有俞生者琵琶名海內第

一李嘗月夜泛海命生奏海天秋曲驚濤怒飛魚龍出聽座客咸賦詩推  
寶擅場有林琵琶之目寶於諸體中尤善歌行時稱林七古唐仲冕時官  
吳門聞寶有一箇人家一朶雲之句謂寶詩才醇厚非僅有名句可入王  
客圖也篇帙甚富晚年手自刊削僅存百五十首天真閣集乾嘉全閩詩話  
童孫燦字若星連城諸生有清志詩草陸錫熊爲作序以乾坤有清氣散  
入詩人脾稱之汀南廬存集

張源義字世文晉江人乾隆庚寅舉人泊三禮以疑義質洗馬官獻瑞獻  
瑤曰若乃不爲俗學淵耶爲剖析之初安溪王士讓以宏詞科徵入都與  
修三禮書成自爲儀禮紉解十二卷凡六易稿未刻而卒至是獻瑤以授  
源義源義刻而傳之道光道志

鄭洛英字耆仲一字西隱侯官道光志人前後爲學使大興朱筠朱珪所

賞拔少喜爲詩質本魯以專且久而豁然博涉史傳能騎射鼓琴善畫水  
墨蘭石嘗語人云我文不如詩字不如畫因諸生久乾隆三十五年舉於

福建文苑傳 清二

七

福建通志 卷三九

鄉體素羸家貧遇寒常惴惴然恐業之不成名之不立而身將殞也聞游  
邵武郡人徐時作爲錄其詩二十二卷皆四十以前作無何竟卒洛英從  
建寧朱仕琇游仕琇稱其詩至者蒼鬱孤清得古人神理論者謂其才格  
於虞集高啓爲近惜不假以年也有恥虛齋前集後集外集文鈔子高字  
日如又字秋江邑諸生有秋江未焚草陳壽祺撰傳

林芳字竹佃號淡菰子閩縣人爲人蕩佚簡易惟好讀古人書乾隆庚寅  
以春秋舉於鄉再上公車遂謝病不復行友人或強之因假道遊歷吳越  
山水抵淮揚托疾而返平居善愁獨處一室日簾設館焚香兀坐每風雨  
之夜百端交集與病爲緣妻陳氏雅不以家務相累糟糠式好恬如也無  
何陳氏病且死矣芳愴然不能爲懷曾官建安教諭遂遊建邵諸邑眺滄  
浪詩話樓訪李忠定精廬縱窺武夷諸名勝因愛建陽留焉歲或一歸論  
文主歐陽詩宗應休璉纏綿悱惻之懷時於詩古文寓之齋頭客邸多植  
秋海棠靜對徘徊有悽然感舊意平生知交寥落有弟大瑛常唱和爲樂

其在建陽相契者徐經芸圃一人也著有竹佃詩略二卷竹佃閒話錄三

卷雅歌堂文集林希五  
文集乾嘉全圖詩傳

林開瓊字長川一字曉樓又字西癡閩縣人乾隆庚寅舉人官大田訓導

明末有嚴氏女殉親赴水死鄉爲造橋立碑久毀重修之六十年大饑勸

富戶減價平糶遷永安與知縣協力採買倉穀士民樂輸以長年榜謁選

當得縣尹吏持文狀責納貲遂拂衣歸有曉田詩鈔十卷梁章鉅謂其抉

十子之藩籬而於家庭師友之際尤纏綿愷惻云

乾嘉全圖詩傳

林樹蕃字于宣又字香海侯官人少孤母鄭氏有女宗之目課之經史穎

異如成人九歲卽工爲詩十七與兄喬蔭同舉于鄉乾隆三十六年成進

士入詞館貌如冠玉權貴豔其才欲羅致門下樹蕃與同里梁上國曲阜

孔廣森有歲寒之盟相戒弗就後主浙江鄉試有以關節相干者卽其座

師也譽其人甚至樹蕃曰果爾則暗中摸索而得之不更美乎其師語塞

而去年二十八卒無子孔廣森爲之誄傳於時嘗爲廣森撰武成頌甚瓌

福建文苑傳清二

八

福建通志  
總卷三九

麗廣森復加刪潤今刻入儀鄭堂集中莫知其爲樹蕃原製也所爲詩工

於言愁識者知其年不永有南陔詩集

乾嘉全圖詩傳

王大經字陸亭侯官人乾隆甲寅舉人大挑二等補南靖訓導性嗜學於

古文家源流正變能擇精而語詳所爲文清簡有法著論語集注辨歧採

摭頗博又輯前明以來遺文爲治南文鈔

師友集

陳登龍字壽朋號秋坪高祖丹赤耿精忠之變殉難謚忠毅曾祖一夔以

難陞授夔州知府登龍七歲而孤母黃氏食貧以紡績爲生撫登龍與一

第二妹以立登龍勤苦力學博涉典籍長於詩古文詞旁及琴棋書畫乾

隆三十九年舉於鄉大挑一等分發四川試用知縣署天全州卽前大金

川地也歸化未立學生徒附雅州登龍捐廉俸請於大府奏准設學學額

入名移蘆山縣學訓導教之創文廟建和川書院以訓士子豪奪婦婦田

登龍勘斷明確豪不能欺歸田於婦因袁某處決子穉無所歸登龍收養

其身入稱陳青天爲立生祠學使歲試文章場弊覺付提調治之登

龍欬獻不忍察其悔也白學使竟釋之既是童科試入學尋登賢書官牧  
令四川邪教滋事總督勒保雅好文翰或薦登龍登龍慮殺人僥功卻之  
嘉慶元年覈難蔭世襲恩騎尉登龍以從弟登爵未成名讓焉調青神縣  
委署裏塘同知裏塘本古三危地在唐爲吐蕃苦寒不生五穀人多剽悍  
設土司領之歲時來賀性貪登龍輒加惠與土司死子幼其妻代攝他族  
爭之登龍訪於眾廉其情遂立其子眾稱誦調雅安縣升湖北安陸府同  
知赴任稽遲詣京師候選授建昌捕盜同知差委買鉛丁內艱歸喪橐蕭  
然授徒自給聞與諸生以詩畫相娛年七十四卒著出塞錄一卷裏塘志  
略二卷蜀水考二卷天全州聞見記二卷讀禮餘篇二卷詩集十四卷雜  
著四卷

左海文集

黃國儀字懷一晉江人少博學恬於進取閉戶著書以易圖久失其傳廣  
探載籍竭慮覃思能發先儒所未發又謂樂律元聲均以陰陽相爲表裏  
橫黍直黍並屬差訛又論經學字學詩學皆不執常談別有契悟

福建文苑傳

清二

九

福建通志總卷三九

黃燮字君立初名中字君和晉江人乾隆乙未進士自以少孤事母尤謹  
時疏通直省舉人以知縣教職分用燮例得與不赴或勸之曰身遭孤寒  
匪慕祿仕倖博一第承歡足矣居恆非母命不私入內室遠方雖厚聘俱  
以定省辭授經別業每夜必歸侍幼讀書過目成誦文詞宏富尤喜集眾  
帖摹之雄秀成一家

王元麟字必瑞別字芝田長樂人乾隆丁酉拔貢生嗜古熟左氏傳督學  
吉夢熊賞其文有經籍光平生儀容豐偉健啖逾恆喜誦永福黃任詩爲  
之撰注廣證旁搜屢易稿數十年始成書一生精力畢萃於此今所行秋  
江集注是也晚選松溪教諭未幾致仕歸卒年九十子亨樞嘉慶戊寅舉  
人

柯輅字瞻莪號淳庵晉江人乾隆丁酉舉人永定訓導發所藏書任諸生  
取閱值大荒偕薦紳勸糶移詔安重修學宮移嘉義值臺匪胡土猴陳錫  
宗滋事奉檄稽察府城大北小東二門有勞績又移邵武擢安仁知縣案

無留獄以年老乞改教諭永安病未赴窮年著述至老不衰年八十六卒  
以上道  
光通志

吳玉麟字協書號素邨閩縣人少儻有奇氣九歲時父某與諸前輩譙  
集喜春堂指庭前竹命題玉麟信口成絕句有虛心纔解擇直節已凌雲  
云云弱冠善技擊閭里紛難事以告輒立爲排解家豐於貲慷慨好施與  
以故漸落乾隆丁酉舉於鄉五上公車不得志其閒游幕從戎踪跡半天  
下中年就教職歷任龍溪惠安尤溪福鼎仙遊同安鳳山諸縣學所至教  
養兼施以興利除弊爲已任鳳山歲旱重鑿蓮花潭築石砌塘溉田數百  
頃民甚賴之邑令吳某奸貪不法玉麟揭其狀四十上諸大憲爲布政使  
所庇後值長官莅任玉麟據學政全書不郊迎益觸忌竟以誣罔論謫居  
湖南桃源生平邃於易精天文居謫所十六年執贄門下者日踵接時與  
生徒訪仙源故蹟補植桃花數百株桃源七志多存錄焉著述多種十之  
八九淪沒湘中藏於家者尙十餘種光緒丙子榕城大水所撰五經詮解  
福建文苑傳清二

十

福建通志  
總卷三十九

管窺彙編研幾秘錄等書漂沒殆盡今其傳者僅素邨小草十二卷千姓  
編一卷重修湖南省志若干卷及未梓行之恆星歌一卷而已卒年七十  
三男燦然道光辛巳恩科舉人四男桂森婦魏氏以孝烈聞從妹少娥女  
河洲皆奇孝

曾孫賜昌  
撰家傳

高騰字鶴年號九皋晚號海樵光澤人爲諸生聞建寧朱仕琇古文有重  
名往受業於鰲峰書院得其竅奧以歸由副貢生舉乾隆丁酉鄉試如京  
師名在公卿閒而深自晦匿昆明錢侍郎士澐慕其名不可得而致既困  
禮闈以大挑選福鼎訓導福鼎置縣始乾隆二年其教諭爲訓導兼官地  
故僻遠士狃於習鮮實學騰至謹條教其說經宗漢以爲易假象詩假物  
禮樂假器漢人去古未遠各有師承著漢學咫聞授諸生士風丕變方丁  
酉鄉試邑文學葉秀旅死福州騰經紀其喪舟楫而歸道聞捷不顧曰友  
親尙滯淺灘奈何棄之同年曾韶卒鰲峰監院遺書曰必九皋了我事騰  
聞其喪倡金置產經理贏息孤壯授之至今猶賴以活卒門人私謚文穆

先生所著有齋音初集二卷漢學咫聞二卷

抑快軒文集

李威字畏吾又字述堂號鳳岡龍溪人少受知於學使者朱筠長交益友孔廣森通六書之學舉乾隆庚寅鄉試考取內閣中書戊戌成進士初威至都止漳浦蔡新邸舍大學士于敏中耳其才名欲羅致門下屢示意新新以告執不可于唧之及殿試威卷已前列于撫其策中涅槃二語抑不令與館選乃就中書本班威家素裕族大而悍父謹愿不能制旋爲所陷繫獄當成適威通籍歸哭於郡庭曰他不敢言願代父罪顛號一晝夜守感動竟脫父罪威於是侍親家居者有年族人爲之稍戢既父母皆逝始入都官刑曹奉使鞫獄歷七省疑獄多所平反有神明之稱在皖鞫董氏子被殺獄夜分伴召鬼魂質訊堂中忽墜瓦四遂輸服稍遷郎中出知廣州府權糧儲道上游方大倚用忽上書引退旋都下十年一日復不告家人歸故里在都營生壙於西山花時招知好飲丙舍閒每日以精楷作日記多見道語在里築室東郭名著園著述外書畫自娛畫筆奄有元明諸福建文苑傳清二

士

福建通志總卷三九

家之長嘗即生平所歷自爲圖以記遊跡主講丹霞書院暇則與老友鄭古村縣令各攜一杖逍遙山水閒年八十餘猶如壯夫登山必造其顛邑人鄭都轉開禧仿鄉先進謝玉璐李雪村故事爲作後雙杖歌傳於世卒年九十餘所著書言天人事物之理尤精內典姚瑩謂明王龍溪講學出入二氏今李畏吾力通儒釋皆心學也已成者有詩古文詞若干卷說文解字定本十五卷嶺雲軒瑣記二十一卷其後人分南北二支居燕者獨盛云

師友集李畏吾別傳雪稿詩話

鄭振圖字紹俠又字咸山侯官人乾隆己亥舉人大挑官教諭選臨城知縣有觀瀾堂詩鈔十三卷世稱其古近體踔厲風發氣骨稜稜遠導源於昌黎近則步趨山谷嘗自篆小印曰韓門弟子振圖有奇行嘗割股療其胞兄之疾大學士朱珪亟稱之

乾嘉全閩詩傳閩海人文

官崇字述言號志齋侯官人乾隆己亥舉人朱珪主福建鄉試從落卷中拔置第六由是知名崇父業鹽筴負官帑獄急崇出代繫累月家遂破貧

甚而善事其親嘉慶元年舉孝廉方正崇以親意強就徵行至吳中病卒年四十有九有公車草豐州草永陽草常惺齋草謝金鑾稱其詩理有餘而神氣酣足云

二勿齋文集乾嘉全閣詩傳

林占芳字明登連江人祖焜父恭皆諸生族有書田非諸生不得食恭卒占芳年十五無以自存眾憫之俸仍食五年及期其母復請之族眾曰幸再假三年眾曰諾於是占芳試縣府皆第一督學試復以第一入郡庠乾隆己亥副鄉舉再試不利遂專意成就後學門下士取科第者相望知縣李萃延與進士章朝栻同修邑志嘗假館於閩縣合北里陳氏作習坎書塾泉記曰嘉慶丁卯旅於東岐館依畝邱有泉從石罅出爲數坎瀦之引手可掬也其泉色白味甘僅資湯茗若以漸以餅以鹽以類以滌以澆恐不能給乃鑿垣引後坎繼之遂沛然有餘因進學者諗之曰客連人也城居井汲厥泉鹹遠汲溪流移晷得數斗偶衝潮又泥不可食旦暮缶涸無處扣門今斯泉也盈科徐達得洊至之象矣因名其塾曰習坎占芳古心福建文苑傳

清二

主

福建通志總卷三十九

古貌介介自持儕輩有過舉輒面折之平生於漢唐宋大家外獨喜寧都三魏爲文多借題抒寫惓惓於世道人心讀者想見其爲人年七十三卒學者稱心蘭先生

章朝栻字觀敬連江人乾隆庚子進士歸肆力詩古文詞四十九年高廟南巡學使朱珪命同進士鄭光策等赴浙應召試閩人應召試自是始五十八年謁選得國子監典簿改詹事府主簿同里舉人王文周以貧來依不數月卒朝栻爲經紀其喪旋以憂歸連江知縣李萃聘修縣志又主講崇安書院知縣魏大名聘修崇安縣志服闋任濟南府通判未幾卒於官

以上道光通志

邱如衡字賓上又字鴻南晚自號蘇林侯官人乾隆庚子舉人有分碧齋詩鈔詩境淡遠有味

乾嘉全閣詩傳

林茂春字崇達號密園閩縣人乾隆丁酉拔貢廷試第一官教諭丙午舉於鄉質近魯而好學視經史子集如性命尤專于左氏傳及馬班二史爬